

**STATUT
I SHOQËRISË ME PËRGJEGJËSI TË KUFIZUAR
AIF21 sh.p.k.**

Neni 1

Është themeluar një shoqëri me përgjegjësi të kufizuar emërtuar “ATI21” sh.p.k..

Neni 2

1. Shoqëria ka selinë ligjore në adresën Rruga “Brigada 8”, Pallati “Teknoprojekt”, nr.7, Tiranë.
2. Transferimi i selisë brenda të njëjtës Bashki mund të vendoset nga administratori ose persona të autorizuar prej tij.
3. Me vendim të administratorit ose personave të autorizuar prej tij, shoqëria mund të krijojë dhe suprimojë agjensi, zyra dhe filiale edhe tjetërkund, ndërkohë që për krijimin dhe suprimimin e tyre jashtë shtetit, krijimin e selive sekondare si në Shqipëri dhe jashtë saj si edhe për transferimin e selisë së shoqërisë në rrethe të tjera, është e nevojshme vendimmarrja e ortakëve në mbledhje të asamblesë.

Neni 3

Shoqëria ka si objekt veprimtarite që vijojnë me poshte:

1. Dizenjim softëare-i, ku përfshihet analiza e kërkesave të sistemit softëare, projektimi i arkitekturës dhe projektimi i detajuar i sistemit softëare
2. Zhvillim dhe mirëmbajtje sistemesh softëare, ku përfshihet programimi i sistemeve softëare, kodimi, instalimi, integrimi i të gjithë komponentëve, dokumentimi, identifikimi dhe korrigjimi i gabimeve, modifikimet (pas momentit që softëare-i është vendosur në operim), mirëmbajtja e të gjithë komponentëve, suporti i sistemit si një tërësi komponentësh, që, në funksionimin e tyre, realizojnë qëllimin e zgjidhjes informatike
3. Testim softëare, ku përfshihet testimi i funksionaliteteve, të ngarkesës në punë, të performancës, të pranimit, të disponueshmërisë dhe të sigurisë së sistemit softëare
4. Dizenjim dhe zhvillim sistemesh të komunikimit, ku përfshihet analiza, planifikimi, projektimi, zbatimi, vendosja në punë dhe mirëmbajtja e sistemeve të komunikimit të rrjeteve të pajisjeve informatike (LAN/ WAN/ WLAN/ MAN/ SAN/ CAN)
5. Dizenjim dhe zhvillim sistemesh të sigurisë, ku përfshihet analiza e kërkesave të sigurisë së klientit, projektimi i arkitekturës, instalimet dhe konfigurimet e komponentëve, vendosja në punë, testimet e sigurisë dhe mirëmbajtja përkatëse
6. Zhvillim sistemesh migrimi, ku përfshihet transferimi i të dhënave dhe infrastrukturës përkatëse nga një teknologji e vjetër në një teknologji të re
7. Përmirësim/upgrade sistemesh informatike
8. Operim, menaxhim, suport i përdorimit, trajnim dhe auditimi teknik/informatik për sistemet softëare.

Neni 4

Shoqëria ka kohëzgjatjen e saj të pakufizuar.



Neni 5

Kapitali fillestar themelor i shoqërisë do të jetë 10.000 (dhjetëmijë) lekë, i cili është i nga kontributi në para i ortakut znj. Borana Elbasani e cila zotëron një kuotë me vlerë 10.000 (dhjetemije) lekë, që përfaqëson 100% të kapitalit të regjistruar të shoqërisë. Të gjitha pjesët e kapitalit themelor janë tërësisht të shlyera dhe të nënshkruara nga ortakët themelues shoqërisë.

Neni 6

1. Pjesët e kapitalit themeltar janë plotësisht të transferueshme në rrugë trashëgimie. Trashëgimtari hyn në shoqëri me të gjitha të drejtat e ortakut dhe me të gjitha efektet.
2. Të gjitha pjesët e kapitalit të Shoqërisë, mund t'u kalojnë të tretëve, vetëm nëse më parë respektohet e drejta e parablerjes së ortakut ekzistues. Në zbatim të këtij detyrimi, ortakut që kërkon të transferojë plotësisht apo pjesërisht pjesët e tij, duhet që më parë t'ia ofrojë me të njëjtat kushte ortakut ekzistues. Vetëm në rast refuzimi prej tij, atëherë pjesët mund t'u transferohen personave të tretë.

Neni 7

Kapitali i shoqërisë përbëhet nga kapitali themelor, si edhe kapitale të tjera të nevojshme për ushtrimin e veprimtarisë tregtare. Të gjitha pjesët e kapitalit themelor janë tërësisht të shlyeshme dhe të nënshkrueshme nga ortakët e shoqërisë.

Neni 8

Fitimi i realizuar nga ushtrimi i veprimtarisë ekonomike të Shoqërisë do të administrohet sipas vendimmarrjes së ortakëve të shoqërisë. Një pjesë e këtij fitimi mund të përdoret për zgjerimin e aktivitetit tregtar. Shoqëria është e detyruar të shlyej të gjitha detyrimet që ka ndaj shtetit dhe të tretëve.


Neni 9

Organi vendimmarrës i shoqërisë është Asambleja e Përgjithshme.

Asambleja e Përgjithshme vendos për çështje të tilla si: shkarkimin e ekspertëve kontabël dhe likujduesve, miratimi i raporteve të administrimit dhe kontrollit, miratimi i llogarive, ndryshimeve në statut, zvogëlimi i kapitalit themelor ose zmadhimi i tij, transferimi i pjesëve të kapitalit themelor tek të tretët, të veprimtarisë së shoqërisë apo likujdimi i saj, shndërrimi i shoqërisë në një formë tjetër të parashikuar nga ligji, ndryshimi i vendndodhjes së selisë, si edhe ndryshimi i objektit të aktivitetit të shoqërisë, përcaktimin e orientimeve kryesore të programit dhe buxhetit, aprovimin e planeve dhe të llogarive ekonomike pas përpunimit të tyre në bazë të objektit të aktivitetit të shoqërisë.

Neni 10

Asambleja e përgjithshme mund të thirret nga secili prej ortakëve. Thirrja e saj mund të bëhet sipas procedurave të parashikuara nga legjislacioni në fuqi por edhe me mjete elektronike. Njoftimi me mjete elektronike bëhet në adresat e postës elektronike që secili prej ortakëve i depoziton në selinë e shoqërisë dhe që administrohen nga Administratori. Mbledhjet e asamblesë

2

mund të zhvillohen edhe nëpërmjet mjeteve elektronike të cilat sigurojnë lehtësi komunikimi dhe besueshmëri. Në këtë rast, administratori përgjigjet për mirëfunksionimin e mjeteve dhe garantimin e zhvillimit të mbledhjes. Vendimet e asamblesë mund të jenë edhe dokumenta elektronikë dhe nënshkruhen nga ortakët elektronikisht.

Neni 11

Administratori qendron për një periudhë 5 (pesë) vjeçare në detyrë. Mandati i tij mund të jetë i rinovueshëm. Asambleja gëzon të drejtën që në çdo kohë të shkarkojë nga detyra administratorin dhe të emërojë një tjetër në vend të tij. Administratori mundet që në çdo moment të emërojë një zëvendës, ta revokojë dhe të emërojë një tjetër në vendin e tij. Administratori ka të gjitha kompetencat e administrimit të zakonshëm dhe të jashtëzakonshëm të shoqërisë për realizimin e objektit të veprimtarisë së shoqërisë, me përjashtim të kompetencave që i atribuohen asamblesë së përgjithshme në kuptim të ligjit dhe këtij statuti.

Neni 12

Çdo vit financiar fillon me 1 Janar të cdo viti dhe përfundon me 31 Dhjetor, me përjashtim të vitit të parë, ku si fillim është data e regjistrimit të shoqërisë.

Neni 13

Llogaritë vjetore, inventarët, raportet mbi operacionet e vitit financiar dhe raportet e veçanta të hartuara nga administratorët, apo nga ekspertët kontabel miratohen nga ortakët. Miratimi i dokumentave financiare vjetore bëhet brenda një afati 3-mujor të mbylljes së vitit financiar.

Neni 14

Mbas miratimit të llogarive vjetore dhe vërtetimit të ekzistencës së fitimit, shoqëria mund të krijojë dhe fonde të tjera. Shoqëria përgjigjet për kontributin fiskal, afatet e derdhies së sigurimeve shoqërore, etj. Ajo ka të drejtë të çelë llogari likujduese pranë bankave të vendit dhe të kryejë veprime likuidimi me to.

Neni 15

Marrëdhëniet e punësimit të shoqërisë rregullohen nëpërmjet kontratës së punësimit që lidhet midis palëve në përputhje me Kodin e Punës, si edhe me legjislacionin tjetër shqiptar në fuqi.

Neni 16

Shoqëria mund të lidhë kontrata me sektorë shtetërorë si dhe me persona fizikë ose juridik, vendas ose të huaj. Në veprimet kontraktuale Shoqëria përfaqësohet nga Administratori i saj. Të drejtat e detyrimit që rrjedhin nga kontratat janë të detyrueshme për Shoqërinë.



Neni 17

Shoqëria hyn në procesin e likujdimi të momentin e prishjes së saj. Për kryerjen e këtij procesi emërohen një ose disa likujdatorë të cilët ndjekin operacionet e likujdimi deri në fund dhe i paraqesin ortakëve dhe administratorit rezultatet përfundimtare të likujdimi. Në përfundim ortakët vendosin për heqjen e mandatit të tyre. Të gjitha detyrimet që dalin nga likujdimi, ortakët i marrin përsipër për t'i shlyer me kapitalin e shoqërisë.

Neni 18

Themeluesit e shoqërisë mund të bëjnë ndryshime ose plotësime në statut dhe në aktin e themelimit, pa rënë ndesh në menyrë thelbësore me nenet e këtij statuti, në cdo kohë. Ndryshimet e plotësimet bëhen në të njëjtën mënyrë e procedurë me të cilën nxirret vet statuti.

Neni 19

Gjithçka nuk është parashikuar shprehimisht në këtë Statut do të disiplinohet nga legjislacioni tregtar dhe ligje të tjera të lidhura me të në fuqi në Republikën e Shqipërisë.

Ky statut është përpiluar dhe firmosur në 4 (katër) kopje me vlerë të njëjtë me origjinalin.

Date 01 Mars 2021

ORTAKU THEMELUES

Borana Elbasani

Borana Elbasani